

Statuti i Shoqatës

“Association of Women in the Energy Sector of Kosovo / Shoqata e Grave në Sektorin e Energjisë në Kosovë”

Ky Statut do të qeverisë shoqatën jofitimprurës “Association of Women in the Energy Sector of Kosovo / Shoqata e Grave në Sektorin e Energjisë në Kosovë”, të themeluar në pajtim me Ligjin Nr. 04/L-57 për Lirinë e Asociimit në Organizatat Joqeveritare (Gazeta Zyrtare e Republikës së Kosovës / Nr. 14 / 9 shtator 2011).

Neni 1

Emri, forma dhe adresa

1. Organizata do emërtohet “Association of Women in the Energy Sector of Kosovo / Shoqata e Grave në Sektorin e Energjisë në Kosovë”
2. Ajo mund të njihet edhe si “AWESK / SHGSEK”
3. **AWESK / SHGSEK** si organizatë është shoqatë jofitimprurës, sipas dispozitave të përcaktuara në nenin 5.2 dhe nenin 6 të Ligjit Nr. 04/L-57 për Lirinë e Asociimit në Organizatat Joqeveritare.
4. Organizata nuk do të bëjë shpërndarjen e çfarëdo të ardhure neto ose fitimi si të tillë për asnjë person. Pasuria, të ardhurat dhe fitimet e organizatës do të përdoren për të mbështetur qëllimet jofitimprurëse të organizatës dhe nuk do të përdoren për të krijuar përfitime të veçanta individuale, qoftë në mënyrë të drejtëpërdrejtë apo tërthorazi për asnjërin nga themeluesit, drejtorin, nëpunësit, ndonjë anëtar të shoqatës, ndonjë të punësuar apo donator të OJQ-së. Megjithatë pagesa e kompensimit të arsyeshëm për këta persona mund të bëhet për punën që këta persona bëjnë për këtë organizatë.
5. Ndonjë transakcion në mes të anëtarëve dhe organizatës duhet të mbyllet në vlera reale të tregut ose në kushte që janë më të favorshme për organizatën.
6. Organizata mund të angazhohet në aktivitete ekonomike me qëllim të mbështetjes së aktiviteteve të saja jofitimprurëse, në pajtim me paragrafin 1.4 të këtij Statuti dhe nenin 4 të Ligjit Nr. 04/L-57 për Lirinë të Asociimit në Organizatat Joqeveritare , me kusht që të ardhurat e realizuara nëpërmjet të aktiviteteve ekonomike të shfrytëzohen ekskluzivisht për të arritur qëllimet e theksuara në këtë statut.
7. Organizata e ka zyrën e saj qendrore në Rr. Sylejman Vokshi 5/1, 10 000 Prishtinë.

Neni 2 Themeluesit/et

1. Themelues të organizatës janë:

- Ardiana Bokshi , Rr Isa Grezda Nr 14/Gjakovë/Gjakovë
- Mirvete Gërguri , Bardh i Madh/Bardh i Madh/Fushë Kosovë
- Arijeta Pajaziti Qerimi, Rruga Sylejman Vokshi Nr.5/1/Prishtinë/Prishtinë
- Fahrije Qorraj Kaloshi, Rr." Naser Hajrizi " Nr.48/A/Prishtinë/Prishtinë

2. Kuvendi i Antarëve vendos për përfaqësuesin/sen e autorizuar të OJQ-së, i/e cili/a përfaqëson organizatën dhe pranon të gjitha shkresat zyrtare në emër të organizatës. Ai ose ajo është përgjegjës për informimin e autoriteteve kompetente për çfarëdo ndryshimi në të dhënat e deklaruara në rastin e regjistrimit të organizatës.

Neni 3 Qëllimi

1. Organizata është themeluar me qëllim:

Fuqizimin e grave në sektorin e energjisë me anë të zhvillimit profesional, rrjetëzimit, pjesëmarrjes në vendim-marrje, dhe kontributit në zhvillimin e qëndrueshëm ekonomik të Kosovës.

2. Për t'i përmbushur qëllimet e saj, organizata do të ndër marrë, por nuk do të kufizohet vetëm në këto lloje të aktiviteteve:

- Publikimin e hulumtimeve dhe raporteve në lidhje me zhvillimet në sektorin e enegjisë, veqanarisht nga qasja gjinore
- Avokimin e pjesëmarrjes së grave profesioniste në vendim-marrje në sektorin e energjisë
- Merr pjesë dhe organizon trajnime, punëtori, konferenca dhe debate, veqanërisht të grave, dhe anëtarve të organizatës, në sektorin e energjisë

Neni 4 Anëtarësimi

1. Anëtarësimi në organizatë është i hapur për çdo person pavarësisht prej racës, ngjyrës, gjinisë, gjuhës, fesë, mendimeve politike ose të tjera, prejardhjes kombëtare a shoqërore, lidhjes me ndonjë komunitet, pronës, gjendjes ekonomike, sociale, orientimit seksual, lindjes, aftësisë së

kufizuar ose ndonjë statusi tjetër personal. Për t'u anëtarësuar në organizatë, secili i interesuar duhet të pranojë Statutin dhe Misionin e organizatës dhe të angazhohet për përmbushjen e qëllimeve të organizatës, dhe të dorëzoj formularin e plotësuar të antërsimit të përfaqësuesi i autorizuar i organizatës.

2. Kuvendi i anëtarëve do të vendos nëse do të kërkohet pagesa e anëtarimit nga anëtarët. Në rast të vendosjes së pagesës së anëtarimit, Kuvendi do të vendosë për rregullat dhe procedurat e pagesës së anëtarimit, përfshirë marrjen e masave të ndryshme, deri në përjashtimin e anëtarit nga organizata në rast të mospagesës së anëtarësisë.

3. Anëtarësimi i ndonjë anëtarit gjithashtu mund të përfundojë ose suspendohet me vendimin e Kuvendit të Anëtarëve në rast të:

- Mosrespektimit të Misionit dhe/apo Statutit të Organizatës;
- Keqpërdorimit të emrit të Organizatës për përfitime personale;
- Keqpërdorimit të mjeteve financiare dhe materiale të organizatës;
- Ushtrimit të aktiviteteve jashtëligjore

Në rast të suspendimit, kohëzgjatja e suspendimit do të përcaktohet.

4. Përfundimi ose suspendimi i anëtarësimit nga Kuvendi i Anëtarëve do të vendoset me shumicë të anëtarëve prezent.

Neni 5 **Kuvendi i Anëtarëve**

1. Kuvendi i Anëtarëve është organi më i lartë qeverisës i organizatës. Ai përbëhet prej të gjithë anëtarëve të organizatës.

2. Kuvendi i Anëtarëve ka përgjegjësinë më të lartë për politikën dhe çështjet financiare të organizatës. Në këtë kuadër, Kuvendi i Anëtarëve ka kompetencë të zgjedhë dhe të shkarkojë zyrtarët në pozita udhëheqëse të OJQ-së, të aprovojë raportet periodike financiare dhe të punës, të interpretojë dhe ndryshojë Statutin, si dhe të vendosë për bashkimin, ndarjen apo shuarjen e OJQ-së. Këto përgjegjësi nuk mund të delegohen në organet tjera më të ulta.

3. Rregullat e punës së anëtarëve të Kuvendit bazohen në një Rregullore të veçantë për punën e Kuvendit, e cila aprovohet nga Kuvendi i Anëtarëve me shumicë votash.

4. Kuvendi i anëtarëve do të ketë këto përgjegjësi:

- Përgaditë Strategjinë e Organizatës së bashku me Drejtoreshën Ekzekutive
- Kontribuon në përpilimin dhe zbatimin e projekteve të Organizatës
- Të gjitha rolet dhe përgjegjësitë e caktuara nga rregullorja e veçantë për punën e Kuvendit

5. Kuvendi i Anëtarëve mund të delegojë ndonjë prej përgjegjësive të tij në organin tjetër udhëheqës të ndërmjetëm ose edhe të punësuar të organizatës, me vendimin e shumicës së anëtarëve të tij, me përjashtim të përgjegjësive të cilat nuk delegohen sipas nenit 13 të Ligjit Nr. 04/L-57 për Lirinë e Asociimit në Organizatat Joqeveritare në Republikën e Kosovës dhe paragrafit 2 të Neni 5 të këtij Statuti.

Neni 6

Mbledhjet e Kuvendit të Anëtarëve

1. Kuvendi i Anëtarëve do të takohet së paku një herë në vit në Mbledhjen e Përgjithshme Vjetore (MPV) ku shqyrtohet dhe miratohet raporti për mjetet, deyrimet, të ardhurat, shpenzimet dhe programet e organizatës për vitin e kaluar, si dhe plani për mjetet, e detyrimet e parapara, të ardhurat, shpenzimet dhe programet e organizatës për vitin e ardhshëm.

2. Kuvendi i Anëtarëve mund të takohet gjithashtu edhe në Mbledhjen e Përgjithshme të Jashtëzakonshme (MPJ) kurdoherë që kërkohet nga gjysma e anëtarëve ose nga organet tjera të ndërmjetme. Një kërkesë e tillë duhet t'i drejtohet Kryesuesit/sës të Kuvendit të Anëtarëve i/e cili/cila do të lajmërojë për takimin të gjithë anëtarët, në pajtim me procedurat e përcaktuara në paragrafin vijues.

3. Lajmërimi me shkrim për MPV dhe/ose MPJ, duke përfshirë datën dhe vendin e mbajtjes së mbledhjes, së bashku me rendin e ditës për mbledhjen do t'u shpërndahet të gjithë anëtarëve së paku shtatë ditë para ditës së mbajtjes së mbledhjes.

4. Për mbajtjen e mbledhjes është e nevojshme pjesëmarrja e më shumë se gjysmës së anëtarëve. Nëse ky kuorum nuk arrihet në tentimin e parë, takimi do të shtyhet për një ditë të përcaktuar më vonë dhe lajmërimi i ri do t'u dërgohet të gjithë anëtarëve.

5. Secili anëtar i organizatës ka një votë në Kuvendin e Anëtarëve.

6. Vendimet në Kuvendin e Anëtarëve do të merren me shumicën e anëtarëve prezent.

7. Asnjë anëtar i Kuvendit të Anëtarëve nuk i lejohet të marrë pjesë në diskutim apo në marrjen e vendimit për çështje ku ai ka interes direkt apo indirekt ekonomik. Anëtar i Kuvendit të Anëtarëve konsiderohet se ka interes ekonomik nëse ai/ajo, ose cilido anëtar i familjes së tij ka interes direkt apo indirekt ekonomik.

Neni 7

Organi udhëheqës i ndërmjetëm (Bordi Këshillues)

1. Bazuar në përgjegjësitë e dhëna me këtë statut, organi udhëheqës i ndërmjetëm Bordi Këshillues, duhet të veprojë çdo herë në pajtim me qëllimin e organizatës.

2. Bordi do të ketë këto përgjegjësi:

- Këshillon Kuvendin e Antarëve, Kryesinë e Kuvendit dhe Zyrtarët e organizatës për planet një veçare të punës
- Përkrahë misionin dhe punën e organizatës para palëve të tjera dhe kontribon në ngritjen e fondeve për organizatën
- Ofron mbështetje profesionale organizatës në hartimin dhe zbatimin e aktiviteteve
- Mbështetë rrijtëzimin e organizatës në vend dhe ndërkombëtarisht

3. Bordi zgjedhet nga Kuvendi i Shoqatës. Ata do të zgjedhen individualisht me shumicë të votave nga anëtarët e pranishëm. Mënyra e zgjedhjes dhe rregullat e punës së anëtarëve të Bordit mund të rregullohen me një Rregullore të veçantë për punën e Bordit, e cila aprovet nga Kuvendi i Anëtarëve me shumicë votash.

4. Bordi do të ketë të paktën 3 (tre) anëtarë, njëri nga të cilët duhet të zgjedhet si Kryesues i Bordit.

5. Secili anëtar i Bordit Këshillues do të shërbejë në kohëzgjatje prej tri vitesh dhe do të ushtrojë detyrën deri në zgjedhjen e anëtarit të ri. Anëtarët e Bordit mund të ushtrojnë mandate të njëpasnjëshme.

6. Anëtarët e Bordit mund të shkarkohen para përfundimit të mandatit me shumicë votash të Kuvendit të Shoqatës.

7. Mandati i anëtarit të Bordit pushon:

- Në rast të vdekjes,
- dorëheqjes ose
- shkarkimit nga Kuvendi i Anëtarëve.

8 Në rast të përfundimit të parakohshëm të mandatit të anëtarit të Bordit, Kuvendi i Anëtarëve duhet të zgjedh pasardhësin për të shërbyer me mandat të ri.

9. Vendimet në Bord merren me shumicë votash të anëtarëve prezentë.

10. Bordi mund të vendosë t'i drejtohet për çfarëdo çështje Kuvendit të Anëtarëve për marrje të vendimit.

11. Kurrfarë pagese ose kompensimi nuk duhet t'u bëhet anëtarëve të Bordit pa aprovimin e Kuvendit të Anëtarëve dhe vetëm kur pagesa ose kompensimi është i arsyeshëm dhe bëhet për punën e kryer për organizatë.

12. Asnjë anëtar i Bordit nuk i lejohet të marrë pjesë në diskutim apo në marrjen e vendimit për çështje ku ai ka interes direkt apo indirekt ekonomik. Anëtar i Bordit konsiderohet se ka interes ekonomik nëse ai/ajo, ose cilido anëtar i familjes së tij ka interes direkt apo indirekt ekonomik.

Neni 8 Zyrtarët dhe Nëpunësit

1. Në rast nevoje organizata punëson persona që të marrin përsipër kryerjen e detyrave ditore të organizatës. Drejtori/Drejtoresha Ekzekutive emërohet nga Kuvendi i Anëtarëve.

2. Zyrtarët duhet të punësohen në përputhje me ligjin e Punës në Republikën e Kosovës, përmes marrëveshjes së shkruar e cila detalizon kohëzgjatjen e punësimit, të gjitha të ardhurat dhe të mirat e tjera që duhet t'i paguhen Zyrtarit/es, si dhe obligimet dhe përshkrimin e punës dhe përgjegjësive të Zyrtarit/es. Të gjitha pagesat duhet të jenë të arsyeshme dhe duhet të paguhen vetëm për punën e kryer për organizatë.

Neni 9 Shpërbërja e organizatës

1. Organizata mund të shpërbëhet me vendimin e shumicës së anëtarëve të Kuvendit të Antarëve.

2. Kur të vendos për shpërbërjen e organizatës, Kuvendi i Antarëve do të tregojë emrin e shoqatës ose fondacionit në Kosovë që do të marrë pasurinë e mbetur pasi të jenë paguar borxhet e organizatës. Shoqata(t) ose fondacioni(et) e zgjedhura duhet të kenë qëllime të njejta ose të ngjajshme sikurse organizata.

Neni 10 Ndryshimet e statutit

1. Statuti i tanishëm mund të ndryshohet me vendimin e shumicës së anëtarëve prezentë të Kuvendit të Antarëve.

Neni 11 Periudhat e Raportimit dhe Viti Financiar

1. Zyrtarët e emëruar dhe Bordi Këshillues do të paraqesin raporte vjetore para Kuvendit të Anëtarëve, në mbledhjen e rregullt vjetore ose kurdoherë që kërkohet nga një mbledhje e jashtëzakonshme.

2. Viti financiar i organizatës do të përputhet me vitin kalendarik.

Ky statut është aprovuar në Prishtinë, më 29/03/2018 nga anëtarët e Kuvendit nënshkruar nga përfaqësuesi i autorizuar.


Arijeta Pajaziti Qerimi